

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ДОМ НАРОДА

Комисија за спољну и трговинску
политику, царине, саобраћај и
комуникације



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA

Komisija za vanjsku i trgovinsku
politiku, carine, saobraćaj i komunikacije
Povjerenstvo za vanjsku i trgovinsku
politiku, carine, promet i veze

Broj: 02/2-50-8-23-20/26

Sarajevo, 28. 1. 2026.

IZVJEŠTAJ O RADU
KOMISIJE ZA VANJSKU I TRGOVINSKU POLITIKU, CARINE,
SAOBRAĆAJ I KOMUNIKACIJE
DOMA NARODA
PARLAMENTARNE SKUPŠTINE BOSNE I HERCEGOVINE
ZA PERIOD OD 1. 1. DO 31. 12. 2025.

Sarajevo, januar 2026.

Sadržaj

UVOD

POGLAVLJE I. Sjednice Komisije

ODJELJAK A. Statistički podaci o sjednicama

ODJELJAK B. Zakonodavne aktivnosti

ODJELJAK C. Međunarodni sporazumi

ODJELJAK D. Godišnji izvještaji

ODJELJAK E. Ostali izvještaji i informacije

ODJELJAK F. Zaključci Komisije

POGLAVLJE II. Ostale aktivnosti Komisije

ODJELJAK A. Međunarodne aktivnosti

POGLAVLJE III. Rezime

Prilozi

Tabela 1. Pregled sjednica Komisije s tačkama dnevnog reda i prisustvom, 1. 1 - 31. 12. 2025.

Tabela 2. Prisustvo sjednicama Komisije, 1. 1 - 31. 12. 2025.

Prilog 3: Međunarodni sporazumi

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15, 53/16 i 71/24) i u skladu s Uputstvom o metodologiji izrade izvještaja o radu komisija Parlamentarne skupštine Bosne i Hercegovine (broj: 01,02-02-4-574-1/13 od 10. 4. 2014), Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine podnosi Domu naroda Parlamentarne skupštine Bosne i Hercegovine sljedeći

IZVJEŠTAJ O RADU

(za period od 1. 1. do 31. 12. 2025)

Uvodne napomene

Osnovni cilj rada Komisije u izvještajnom periodu bio je da osigura kvalitetnu pripremu rada Doma naroda i što bolje i efikasnije funkcioniranje Doma, a time i Parlamentarne skupštine BiH, provođenjem općih opredjeljenja određenih Ustavom BiH i Dejtonskim mirovnim sporazumom, te politikom koju su utvrdili Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Doma naroda Parlamentarne skupštine BiH.

U skladu s članom 40. Poslovnika Doma naroda Parlamentarne skupštine BiH, Komisija za vanjsku i trgovinsku politiku, carine, saobraćaj i komunikacije:

- prati vođenje vanjske politike koju su utvrdili Predsjedništvo BiH i Vijeće ministara BiH;
- razmatra pitanja saradnje BiH s Ujedinjenim narodima i međunarodnom zajednicom;
- razmatra pitanja međuparlamentarne saradnje s odgovarajućim komisijama parlamenata drugih zemalja;
- razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi te drugim međunarodnim organizacijama;
- razmatra pitanja rada s institucijama BiH kompetentnim za pitanja vanjskih poslova i međunarodnih odnosa;
- razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- razmatra pitanja saglasnosti za ratificiranje međunarodnih ugovora, sporazuma i konvencija;
- razmatra pitanja otkazivanja međunarodnih ugovora, sporazuma i konvencija;
- razmatra pitanja koja se odnose na vanjskotrgovinsku politiku;
- razmatra pitanja koja se odnose na sporazume o međunarodnoj trgovini;
- razmatra pitanja koja se odnose na carinsku politiku;
- razmatra pitanja koja se odnose na tarife, propise i zakone iz svoje oblasti;

- razmatra pitanja koja se odnose na međunarodne obaveze BiH;
- razmatra odnose s međunarodnim trgovinskim institucijama;
- razmatra pitanja koja se odnose na putne isprave;
- razmatra pitanja koja se odnose na boravak i kretanje stranaca;
- razmatra pitanja koja se odnose na uspostavljanje i funkcioniranje zajedničkih i međunarodnih komunikacija;
- razmatra pitanja koja se odnose na reguliranje međuentitetskog saobraćaja;
- razmatra pitanja koja se odnose na kontrolu zračnog saobraćaja;
- razmatra pitanja koja se odnose na kontrolu frekvencija;
- razmatra i druga pitanja iz oblasti međunarodnih i vanjskih poslova, vanjske trgovine, carina, saobraćaja i komunikacija.

POGLAVLJE I. SJEDNICE KOMISIJE

Odjeljak A. Statistički podaci o sjednicama

Kako je predviđeno Odjeljkom C. (Opće odredbe o komisijama Doma), članom 26. stav (2) Poslovnika Doma naroda Parlamentarne skupštine BiH: „Stalne komisije imaju šest članova, dok privremene komisije Doma mogu imati do šest članova. Komisije se popunjavaju srazmjerno klubovima naroda u Domu, od kojih su dvije trećine članova izabrani s teritorije Federacije BiH, a jedna trećina s teritorije Republike Srpske.“

U skladu s tim, članovi Komisije za vanjsku i trgovinsku politiku, carine, saobraćaj i komunikacije Doma naroda su: Safet Softić, predsjedavajući Komisije, Marina Pendeš, prva zamjenica, Radovan Kovačević, drugi zamjenik, Džemal Smajić, Zlatko Miletić i Želimir Nešković, članovi.

Sjednicu Komisije saziva predsjedavajući Komisije, u skladu s članom 30. Poslovnika, i to, u pravilu, pet dana prije održavanja sjednice, osim ako ne postoje opravdani razlozi za njeno sazivanje u kraćem vremenu.

Predsjedavajući Komisije, u saradnji sa sekretarom, organizira rad Komisije. Za svaku godinu priprema se radni plan, čiji su sadržaj i rokovi za realiziranje postavljeni okvirno, prema očekivanim aktivnostima na nivou Bosne i Hercegovine i prema potrebnoj koordinaciji s drugim tijelima nadležnim za vanjsku i trgovinsku politiku, carine, saobraćaj i komunikacije. Moguće je pomjerati rokove za razmatranje pitanja iz plana, zavisno od vremena dospijevanja materijala od nadležnih institucija, sa osnovnim ciljem da se materijali što kraće zadržavaju u Komisiji i u parlamentarnoj proceduri. Datumi održavanja svake sjednice, te prisustvo članova Komisije sjednicama mogu se vidjeti u tabelarnom prikazu (prilozi 1. i 2).

Zavisno od dnevnog reda, odnosno broja materijala čije je razmatranje predviđeno za određenu sjednicu, određuje se i vrijeme trajanja sjednice. Treba napomenuti da se nikada tačno ne određuje trenutak završetka određene sjednice Komisije za vanjsku i trgovinsku politiku, carine, saobraćaj i komunikacije. Naime, uvijek se omogućava i ostavlja dovoljno vremena izvjestiocima, predlagačima i članovima Komisije da iskažu svoje mišljenje, stav ili postavbe pitanje u vezi s materijalom o kojem se raspravlja.

Komisija je u izvještajnom periodu održala pet sjednica:

- 15. sjednica	14. 4.	27 tačaka dnevnog reda
- 16. sjednica	25. 6.	8 tačaka dnevnog reda
- 17. sjednica	16. 7.	13 tačaka dnevnog reda
- 18. sjednica	6. 11.	17 tačaka dnevnog reda
- 19. sjednica	23. 12.	7 tačaka dnevnog reda

Na sjednicama Komisije u 2025. godini razmatrane su ukupno 72 tačke dnevnog reda, što je u prosjeku 14 tačaka po sjednici.

Komisiju u njenom radu opslužuje Ured sekretara Komisije. Opći i posebni poslovi koje obavlja Ured sekretara Komisije regulirani su čl. 21. i 29. Pravilnika o unutrašnjoj organizaciji i sistematizaciji radnih mjesta u Sekretarijatu Parlamentarne skupštine BiH. Aktivnosti na sjednici bilježi sekretar Komisije. U saradnji s predsjedavajućim, sekretar Komisije izrađuje zapisnik koji članovi Komisije usvajaju, u pravilu, na narednoj zakazanoj sjednici.

U Uredu sekretara zaposlena su tri državna službenika: sekretar Komisije Nenad Pandurević, stručna savjetnica Kristina Milošević i stručna saradnica Slavka Draganić.

Odjeljak B. Zakonodavne aktivnosti

U izvještajnom periodu Komisiji su dostavljena četiri zakonska prijedloga, i to:

- Prijedlog zakona o izmjeni i dopuni Zakona o osnovama sigurnosti saobraćaja na putevima u Bosni i Hercegovini, predlagač: Predstavnički dom, broj: 01-02-1-2232/24;
- Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlagač: Predstavnički dom, broj: 01-02-1-813/25;
- Prijedlog zakona o izmjeni Zakona o Javnom radiotelevizijskom servisu Bosne i Hercegovine, predlagač: Predstavnički dom, broj: 02-02-1-1037/25;

- Prijedlog zakona o regulatoru, prijenosu i tržištu električne energije u Bosni i Hercegovini, prva faza u nadležnoj komisiji, predlagač: Vijeće ministara BiH, broj: 01,02-02-1-2006/25.

Prva dva prijedloga zakona: Prijedlog zakona o izmjeni i dopuni Zakona o osnovama sigurnosti saobraćaja na putevima u Bosni i Hercegovini, broj: 01-02-1-2232/24, i Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, broj: 01-02-1-813/25, razmatrana su u Komisiji u prvoj komisijijskoj fazi. Komisija nije podržala principe prijedloga zakona. Domu naroda su blagovremeno dostavljena mišljenja. Dom naroda nije razmatrao navedene prijedloge zakona.

Prijedlog zakona o izmjeni Zakona o Javnom radiotelevizijskom servisu Bosne i Hercegovine i Prijedlog zakona o regulatoru, prijenosu i tržištu električne energije u Bosni i Hercegovini razmatrani su u Komisiji u prvoj komisijijskoj fazi. Komisija je podržala principe ova dva prijedloga zakona. Domu naroda su blagovremeno dostavljena mišljenja.

Odjeljak C. Međunarodni sporazumi

U navedenom periodu razmatrana su ukupno 43 međunarodna pravna akta. Spisak razmatranih međunarodnih sporazuma je u Prilogu br. 3 ovog izvještaja.

Nadležna ministarstva blagovremeno su obavještavana o razmatranju sporazuma iz njihove nadležnosti i njihovi predstavnici su prisustvovali sjednicama Komisije.

Za sve međunarodne ugovore razmatrane na sjednicama Komisija je blagovremeno dostavila izvještaje Domu naroda s prijedlogom Komisije za davanje saglasnosti za ratifikaciju.

Odjeljak D. Godišnji izvještaji

U toku 2025. godine na sjednicama Komisije razmatrani su sljedeći izvještaji o aktivnostima institucija BiH koje spadaju u nadležnost Komisije, i to:

1. Izvještaj o radu Vijeća ministara BiH za 2023. godinu u dijelu nadležnosti Komisije za vanjsku i trgovinsku politiku, carine, saobraćaj i komunikacije Doma naroda PSBiH;
2. Godišnji izvještaj iz oblasti poljoprivrede, ishrane i ruralnog razvoja za Bosnu i Hercegovinu za 2023. godinu;
3. Izvještaj o radu i Finansijski izvještaji Agencije za poštanski saobraćaj Bosne i Hercegovine za 2024. godinu;
4. Izvještaj o radu Državne regulatorne komisije za električnu energiju u 2024. godini;
5. Izvještaj o radu Vijeća ministara BiH za 2024. godinu u dijelu nadležnosti Komisije za vanjsku i trgovinsku politiku, carine, saobraćaj i komunikacije Doma naroda PSBiH.

Komisija je blagovremeno razmotrila sve dostavljene izvještaje, a Domu naroda dostavljena su mišljenja Komisije o svim navedenim izvještajima.

Odjeljak E. Ostali izvještaji i informacije

Osim izvještaja o radu, Komisija je u okviru svoje nadležnosti razmatrala i druge vrste informacija i dokumenata, od kojih izdvajamo samo najznačajnije:

1. Prijedlog izvještaja o radu Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2024. godinu;
2. Prijedlog orijentacionog plana rada Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2025. godinu.

Nakon razmatranja na sjednicama Komisije, pripremljeni su i Kolegiju Doma naroda, odnosno Domu naroda dostavljeni izvještaji o stavovima Komisije za svaki od navedenih materijala.

Odjeljak F. Zaključci Komisije

Komisija je u izvještajnom periodu razmatrajući dostavljene materijale usvojila tri zaključka.

Na 17. sjednici, održanoj 16. 7. 2025, nakon rasprave Komisija je jednoglasno usvojila sljedeći zaključak:

„Komisija za vanjsku i trgovinsku politiku, carine, saobraćaj i komunikacije Doma naroda poziva Kolegij Doma naroda Parlamentarne skupštine Bosne i Hercegovine da predloži da Dom naroda u što kraćem roku, a po mogućnosti već sutra, 17. 7. 2025, za kada je zakazana 17. hitna sjednica Doma naroda Parlamentarne skupštine BiH, razmotri davanje saglasnosti za ratifikaciju za sve navedene međunarodne sporazume.“

Zaključak je dostavljen Domu naroda.

Na 18. sjednici, održanoj 6. 11. 2025, Komisija je između ostalog, razmatrala i davanje mišljenja o saglasnosti za ratifikaciju većeg broja međunarodnih sporazuma. Nakon rasprave i izjašnjavanja o svim sporazumima, Komisija je jednoglasno usvojila zaključak:

„Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH traži od Doma naroda da se o dva sporazuma između Bosne i Hercegovine i Saudijskog fonda za razvoj i dva memoranduma o razumijevanju

između Bosne i Hercegovine i Kraljevine Saudijske Arabije (naši brojevi: 01,02-21-1-1892/25 od 28. 8. 2025; 01,02-21-1-2046/25 od 22. 9. 2025; 01,02-05-2-3078/16 od 7. 12. 2016; 01,02-21-1-1931/25 od 3. 9. 2025) izjasni objedinjeno, u paketu. Predlažemo da se Dom o zaključku Komisije izjasni prije glasanja o davanju saglasnosti za četiri navedena sporazuma odnosno memoranduma.“

Zaključak je dostavljen Domu naroda.

Na 19. sjednici, održanoj 23. 12. 2025, razmatrala je, između ostalog, i Prijedlog zakona o regulatoru, prijenosu i tržištu električne energije u Bosni i Hercegovini, u prvoj fazi kao nadležna komisija.

Nakon rasprave, Komisija je, s četiri glasa „za“, bez glasova „protiv“ i jednim glasom „suzdržan“, usvojila i sljedeći zaključak:

„Imajući u vidu posljedice koje će primjena CBAM-a imati na ekonomiju Bosne i Hercegovine, kao i hitnost usvajanja Prijedloga zakona o regulatoru, prijenosu i tržištu električne energije u Bosni i Hercegovini, Komisija za vanjsku i trgovinsku politiku, carine, saobraćaj i komunikacije Doma naroda traži od Kolegija Doma naroda Parlamentarne skupštine BiH da u dnevni red 21. hitne sjednice Doma naroda Parlamentarne skupštine BiH, zakazane za 23. 12. 2025, uvrsti navedeni prijedlog zakona.“

Zaključak je dostavljen Domu naroda.

POGLAVLJE II. OSTALE AKTIVNOSTI KOMISIJE

ODJELJAK A. Međunarodne aktivnosti

Prezentacija direktora Energetske zajednice „Provođenje Ugovora o Energetskoj zajednici - kako stoji Bosna i Hercegovina“, Sarajevo, 4. 3. 2025.

Na inicijativu direktora Sekretarijata Energetske zajednice, a u organizaciji Komisije za vanjsku i trgovinsku politiku, carine, saobraćaj i komunikacije Doma naroda i Komisije za saobraćaj i komunikacije Predstavničkog doma Parlamentarne skupštine BiH, u Sarajevu je 4. 3. 2025. održana prezentacija o temi: „Provođenje Ugovora o Energetskoj zajednici – kako stoji Bosna i Hercegovina“.

Prezentacija je organizirana za sve poslanike i delegate u Parlamentarnoj skupštini BiH, kao i za predstavnike nadležnih ministarstava i ostalih institucija iz Bosne i Hercegovine

s nadležnostima u energetsom sektoru. U ime Komisije za vanjsku i trgovinsku politiku, carine, saobraćaj i komunikacije Doma naroda prezentaciji su prisustvovali Safet Softić, predsjedavajući, te zaposleni u Uredu sekretara Komisije.

Sastanak Parlamentarnog plenuma Energetske zajednice, Brisel, 24. 4. 2025.

Sastanak Parlamentarnog plenuma Energetske zajednice održan je u Briselu, 24. aprila 2025. U ime Parlamentarne skupštine BiH sastanku su prisustvovali Nenad Grković, član Komisije za saobraćaj i komunikacije Predstavničkog doma, te Slavka Draganić, stručna saradnica u Komisiji. Kolegij Doma naroda PSBiH bio je odobrio i učešće Safeta Softića, predsjedavajućeg Komisije za vanjsku i trgovinsku politiku, carine, saobraćaj i komunikacije Doma naroda. Međutim, zbog održavanja sjednice Doma naroda istog dana bio je spriječen učestvovati na sastanku.

Ured sekretara Komisije obavio je sve pripremne aktivnosti te dostavio izvještaj o održanom sastanku.

Pripremni sastanak za Treći globalni parlamentarni samit o gladi i nehranjenosti, Rim, Republika Italija, 10. i 11. 11. 2025.

Pripremni sastanak za Treći globalni parlamentarni samit o gladi i nehranjenosti održan je u Rimu, u organizaciji Regionalnog ureda Organizacije Ujedinjenih naroda za hranu i poljoprivredu (FAO) za Evropu i Centralnu Aziju i uz podršku Parlamenta Republike Italije, 10. i 11. novembra 2025, u sjedištu FAO-a.

Sastanak je okupio učesnike iz približno 30 zemalja, članica FAO-a, koji su predstavljali svoje parlamente i/ili međunarodne parlamentarne asocijacije. U ime Parlamentarne skupštine BiH sastanku su prisustvovali: Safet Softić, predsjedavajući Komisije za vanjsku i trgovinsku politiku, carine, saobraćaj i komunikacije Doma naroda, te Nenad Pandurević, sekretar Komisije.

Sastanak delegacije Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine s delegacijom Komisije za vanjske poslove Britanskog parlamenta, Sarajevo, 4. 12. 2025.

Sastanak je održan u okviru posjete delegacije Komisije za vanjske poslove Britanskog parlamenta Bosni i Hercegovini.

U ime Komisije za vanjsku i trgovinsku politiku, carine, saobraćaj i komunikacije Doma naroda sastanku su prisustvovali: Safet Softić, predsjedavajući Komisije i Zlatko

Miletić, član Komisije te Nenad Pandurević, sekretar Komisije i Slavka Draganić, stručna saradnica u Uredu sekretara Komisije.

Sastanak Parlamentarnog plenuma Energetske zajednice, Beč, 9. 12. 2025.

Sastanak Parlamentarnog plenuma Energetske zajednice održan je u Beču, 9. decembra 2025. U ime Parlamentarne skupštine BiH sastanku su prisustvovali Safet Softić, predsjedavajući Komisije za vanjsku i trgovinsku politiku, carine, saobraćaj i komunikacije Doma naroda, i Zdenko Ćosić, predsjedavajući Zajedničke komisije za evropske integracije, te Slavka Draganić, stručna saradnica u Komisiji.

Ured sekretara Komisije obavio je sve pripremne aktivnosti, te dostavio izvještaj o održanom sastanku.

POGLAVLJE III. R E Z I M E

Može se konstatirati da je Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2025. godini blagovremeno realizirala sva zaduženja, odnosno razmotrila sve materijale iz svoje nadležnosti, kako bi pravovremeno mogli biti razmatrani u Domu naroda.

Rad Komisije u najvećoj mjeri zavisio je od materijala koje je dostavilo Vijeće ministara BiH, odnosno Predsjedništvo BiH.

Svi izvještaji, mišljenja i drugi akti iz nadležnosti Komisije blagovremeno su dostavljani predsjedavajućem Doma, odnosno Kolegiju Doma naroda na daljnji postupak.

Osim toga, članovi Komisije prisustvovali su i drugim sastancima i skupovima na kojima su razmatrane teme i pitanja iz nadležnosti Komisije.

Svojim radom Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2025. nastojala je dati doprinos uspješnom radu Doma naroda.

Predsjedavajući Komisije
Safet Softić

Prilog:

Tabela 1. Pregled sjednica Komisije s tačkama dnevnog reda i prisustvom, 1. 1 - 31. 12. 2025.

Broj i datum održavanja	Broj razmatranih tačkaka	Prisustvo članova (%)
15. sjednica 14. 4. 2025.	27	83
16. sjednica 25. 6. 2025.	8	100
17. sjednica 16. 7. 2025.	13	100
18. sjednica 6. 11. 2025.	17	83
19. sjednica 23.12.2025.	7	83
Ukupan broj sjednica: 5	Ukupno tačkaka: 72	Prosjek prisustva: 90%

Tabela 2. Prisustvo sjednicama Komisije, 1. 1 - 31. 12. 2025.

Sjednice/članovi	Safet Softić	Marina Pendeš	Radovan Kovačević	Džemal Smajić	Zlatko Miletić	Želimir Nešković	Ukupno
15. sjednica, 14. 4.	+	- (O)	+	+	+	+	5
16. sjednica, 25. 6.	+	+	+	+	+	+	6
17. sjednica, 16. 7.	+	+	+	+	+	+	6
18. sjednica, 6. 11.	+	+	- (O)	+	+	+	5
19. sjednica 23.12.	+	- (O)	+	+	+	+	5
Ukupno	5/5	3/5	4/5	5/5	5/5	5/5	27/30
%	100	60	80	100	100	100	90

Legenda: (O) – Opravdano odsutan

Prilog 3. Međunarodni sporazumi

1. Ugovor o grantu (Projekat centralnog grijanja Pale) između Bosne i Hercegovine i Evropske banke za obnovu i razvoj koji se odnosi na investicioni grant iz Specijalnog fonda za partnerstvo s visokim uticajem na klimatske akcije;
2. Ugovor o zajmu (Projekat centralnog grijanja Pale) između Bosne i Hercegovine i Evropske banke za obnovu i razvoj;
3. Sporazum o grantu br. TF0C4164 (Projekat za jačanje nadzora nad javnim preduzećima u Bosni i Hercegovini) između Bosne i Hercegovine, Međunarodne banke za obnovu i razvoj i Međunarodnog udruženja za razvoj;
4. Amandman broj 1 na Ugovor o finansiranju (Vodovod i kanalizacija u Republici Srpskoj II) između Bosne i Hercegovine, Republike Srpske i Evropske investicione banke;
5. Izmijenjeni i obnovljeni ugovor na Ugovor o zajmu izvornog datuma 12. septembra 2018. godine (Projekat Koridor 5c – Dio 3) između Bosne i Hercegovine i Evropske banke za obnovu i razvoj;
6. Sporazum o grantu između Bosne i Hercegovine i Evropske investicione banke - Mediteranski koridor: poddionica autoputa 5c u Bosni i Hercegovini Medakovo – Ozimice;
7. Okvirni sporazum o zajmu između Razvojne banke Vijeća Evrope i Bosne i Hercegovine za psihijatrijske klinike u Bosni i Hercegovini;
8. Ugovor o izmjenama i dopunama broj 1 na Ugovor o grantu od 26. oktobra 2020. godine u vezi s investicionim grantom iz Evropskog zajedničkog fonda za Zapadni Balkan za Projekat vodosnabdijevanja Gradačac;
9. Sporazum o finansiranju za Interreg VI-B Program EURO MEDITERRANEAN (EURO MED) za period 2021 - 2027. godina, između Evropske unije i Bosne i Hercegovine i Republike Francuske;
10. Sporazum o finansiranju za program saradnje „(Interreg VI-C) URBACT IV“ za period 2021 - 2027. godina između Evropske unije i Bosne i Hercegovine i Republike Francuske;
11. Sporazum o Centralnoevropskom programu razmjene za univerzitetske studije (CEEPUS IV);
12. Sporazum između Ministarstva odbrane Bosne i Hercegovine i Ministarstva nacionalne odbrane Rumunije o odbrambenoj saradnji;
13. Sporazum između Vlade Republike Sjeverne Makedonije i Vijeća ministara Republike Albanije, Vijeća ministara Bosne i Hercegovine, Vlade Republike Crne Gore, Vlade Republike Srbije i Vlade Republike Slovenije o aranžmanima zemlje domaćina u vezi sa statusom Stalne organizacije Balkanskih medicinskih snaga i njenog osoblja;
14. Međunarodni sporazum o maslinovom ulju i stolnim maslinama iz 2015. godine;
15. Međunarodni sporazum između Evropske unije i Bosne i Hercegovine o učešću Bosne i Hercegovine u programu Pravosuđe 2021 - 2027;

16. Sporazum između Bosne i Hercegovine i Evropske unije o saradnji između organa Bosne i Hercegovine nadležnih za pravosudnu saradnju u krivičnim stvarima i Agencije Evropske unije za saradnju u krivičnom pravosuđu (EUROJUST);
17. Protokol između Vijeća ministara Bosne i Hercegovine i Vlade Rumunije o sukcesiji Bosne i Hercegovini bilateralnih ugovora zaključenih između Federativne Narodne Republike Jugoslavije / Socijalističke Federativne Republike Jugoslavije i Narodne Republike Rumunije / Socijalističke Republike Rumunije / Rumunije na nivou države i vlade;
18. Amandman broj 1 na Ugovor o finansiranju (Koridor 5c - Mostar jug) između Bosne i Hercegovine i Evropske investicione banke;
19. Amandman broj 1 na Ugovor o finansiranju (Koridor 5c - Zenica sjever) između Bosne i Hercegovine i Evropske investicione banke;
20. Sporazum o pristupu visokom obrazovanju i prijemu na studije na Zapadnom Balkanu;
21. Sporazum o zajmu (Projekat održive, integrirane i sigurne putne infrastrukture) između Bosne i Hercegovine i Međunarodne banke za obnovu i razvoj;
22. Sporazum o zajmu (Drugi programski zajam za razvojnu politiku zdravstvenih sektora) između Bosne i Hercegovine i Međunarodne banke za obnovu i razvoj;
23. Sporazum o grantu između Bosne i Hercegovine i Evropske investicione banke - Mediteranski koridor: poddionica autoputa 5c u Bosni i Hercegovini Tunel Kvanj - Buna;
24. Ugovor o finansiranju (Evropski fond za održivi razvoj – EFSD + Specijalno investiciono područje 1) između Bosne i Hercegovine i Evropske investicione banke - Vjetroelektrana Poklečani;
25. Sporazum o finansiranju Godišnjeg akcionog plana za Bosnu i Hercegovinu za 2024. godinu između Evropske unije i Bosne i Hercegovine;
26. Ugovor o zajmu (GrCF2 W2 E2 – Energetska efikasnost javnih zgrada u Tuzlanskom kantonu) između Bosne i Hercegovine i Evropske banke za obnovu i razvoj;
27. Izmjene i dopune Statuta Organizacije ujedinjenih naroda za turizam i njegovog aneksa – pravila finansiranja;
28. Sporazum između Bosne i Hercegovine i Crne Gore o socijalnom osiguranju i Administrativni sporazum za provođenje Sporazuma između Bosne i Hercegovine i Crne Gore o socijalnom osiguranju;
29. Okvirni finansijski sporazum između Bosne i Hercegovine i Razvojne banke Vijeća Evrope za Kulturno-sportski centar „INTEGRA“ u Mostaru;
30. Sporazum o grantu – Investicioni okvir za Zapadni Balkan (WBIF) – Program sigurnog i održivog transporta (SSTP) – (Projekat održive, integrirane i sigurne putne infrastrukture);
31. Sporazum o finansiranju za program Interreg Europe (Interreg VI-C) za period 2021-2027. između Evropske unije, Bosne i Hercegovine i Francuske;
32. Ugovor o grantu (GrCF: Projekat Vodovod Sarajevo) između Bosne i Hercegovine i Evropske banke za obnovu i razvoj;
33. Izmjena i dopuna br. 2 na Sporazum o finansiranju Programa prekogranične saradnje Srbija - Bosna i Hercegovina za period 2021 - 2027;

34. Ugovor o grantu (GrCF2 W2 E2 - Energetska efikasnost javnih zgrada u Tuzlanskom kantonu) između Bosne i Hercegovine i Evropske banke za obnovu i razvoj;
35. Amandman br. 3 na Ugovor o finansiranju između Bosne i Hercegovine i Evropske investicione banke (Ugovor o finansiranju) – Distribucija električne energije u BiH/C;
36. Sporazum o grantu i projektu između KfW-a i Bosne i Hercegovine, Federacije Bosne i Hercegovine i JP Elektroprivreda HZHB d.d. – Obnova i modernizacija pumpno-akumulacijske hidroelektrane Čapljina;
37. Sporazum o zajmu (Projekat izgradnje i opremanja dodatnog objekta za smještaj studenata u Javnoj ustanovi Studentski centar „Boriša Starović“ Foča) između Bosne i Hercegovine i Saudijskog fonda za razvoj;
38. Sporazum o zajmu (Projekat izgradnje naučno-tehnološkog parka) između Saudijskog fonda za razvoj i Bosne i Hercegovine;
39. Memorandum o razumijevanju za izgradnju i opremanje Istraživačkog instituta „Kralj Salman bin Abdulaziz“ na Univerzitetu - Sarajevska škola za nauku i tehnologiju, između Kraljevine Saudijske Arabije i Bosne i Hercegovine;
40. Memorandum o razumijevanju o obrazovnoj i naučnoj saradnji između Vijeća ministara Bosne i Hercegovine i Vlade Kraljevine Saudijske Arabije;
41. Nota sporazum između Vijeća ministara Bosne i Hercegovine i Vlade Savezne Republike Njemačke – nastavak razvojno-političke saradnje sa Saveznom Republikom Njemačkom;
42. Sporazum između Bosne i Hercegovine i Ujedinjenih naroda u vezi s Uredom rezidentnog koordinatora Ujedinjenih naroda u Bosni i Hercegovini;
43. Sporazum između Evropske unije, s jedne strane, i Bosne i Hercegovine, s druge strane, o učešću Bosne i Hercegovine u Programu za zapošljavanje i socijalne inovacije (EaSI) Evropskog socijalnog fonda plus (ESF+).